

呂
暢
組
圖
題
跋

丙子五月
王光烈題
跋

呂周
鄧顥
全助
訛
索

丙子五月 王忠立署耑



呂邨鋤園圖題詠

余家向有中人產自光緒甲午牽於本村巨獄元氣大傷庚子之變家傍戰場又復毀於兵燹延至戊申歲生計益不支析爨後無一瓦之覆無一隴之植余時辦遼陽自治室人蘇利貞坤亨攜子女徙於呂方寺邨賃屋而居食貧自勵拾薪種蔬勤苦備嘗每念曩時不忘在苦以浭陽孫君玉泉

萬清

下寫真乃丐其爲寫呂邨

鋤園圖既成屬余敍繪圖之意留示後人殆亦古人繪無逸之遺意歟爰泚筆識之民國十五年歲在丙寅九月七日袁金鑑

朝出耘田夜績麻呼雞呼犬自當家食貧留得當年相滿面塵容

不戴花

不把春犁不荷鋤先生經訓作蓄畚倘非內助賢如許那有工夫
穩著書

辛苦糟糠述舊聞兩罿新水一鋤雲當筵割肉風流甚怪底東方
獎細君

新圖羅列綺筵前高會重陽九月天二十六翁齊拍手無人不道
孟光賢

今日重興駟馬門好將住畫付兒孫勿忘在莒艱難意半畝荒園
說呂邨

潔珊瑚棣屬題

賢配蘇夫人呂邨鋤園圖賦此呈

教丙寅九日如小兄成多祿初稿

平素耽吟詩命研墨縣共白

畫苑翻新格閨門無逸圖不忘身在苦貞比志吞吳飲蘖甘茹苦
編籬自種蔬鎰銖能致富今見古陶朱
無以爲家計相將與婦謀禦窮原我分當阨豈君憂夜讀鳴機佐
晨炊數米溲荒園呂坊寺風雨憶綢繆
年少袁宏道文多不療貧持家資健婦拓地佐良人微雨種葱韭
凱風吹棘薪劬勞誠可念功比畫麒麟

琴齋主張之夢思

丈夫懷遠大國瘦肯肥家原憲貧非病黔婁嫁豈差添薪槐落葉
促織豆開花過午籬根坐鷗鋤照影斜
海棠貯金屋可比菜花香春翦韭充饌秋收芋作糧雞豚分別柵

蜂蝶隔鄰牆紅紫徒妖冶紛華薄衆芳

典衣助脩脯我亦念糟糠以彼拙鳩婦何如賢孟光瓜壺均旨蓄
荆布卽華妝寫照遺孫子清風菜甲香

石琴廬主張之漢題

晚近習紛華人情競富有居安不忘危斯義久芻狗袁公道義交
不爲時俗誘夫人女中英持家稱賢婦涓滴積廉泉內助得良耦
每念貧賤時乃能長富厚憶昔初分居飢驅各奔走遷地得呂邨
耕讀相聚首夫人手犁鋤躬耕事畝畝裙布與釵荆蓬首雜塵垢
秋至半園菘春來一畦韭茹苦而含辛胼足復胝手迄今念昔時
雲泥判已久家計旣小康不必謀升斗僕婦供使令何須親井臼

晏安娛暮年誰復鳩毒咎當富不忘貧夫人曰否否古人曾有言
千金珍敝帚孫君老畫師寫生誠天授聲譽滿遼東噴噴稱人口
情之作斯圖下筆精不苟面目極經營一見知誰某長柄把耰鋤
短籬編柔柳桑麻爲生涯雞犬雜前後昭陵風物妍高會作重九
飽啗菊花糕醉斟桑落酒袁公前致詞出圖屬諸友請爲詩文辭
傳之長不朽濡筆成五言不復計好醜敢期畫並傳敬爲夫人壽

題呂邨鋤園圖呈

潔珊六哥教正

如弟王光烈未定草

壇坫雍容善賦詩雕鞍駿馬走京師今朝展閱鄉園畫此是袁安

臥雪時

飛艇雲頭落彈丸窮簷雞犬不能安此間種圃依村社那及先生
仇儼歡

物知人意主人憐飼養相依在眼前狂跳橫飛踐蔬菜慈祥阿姥
許笞鞭

滿架青紅菜味香熟時擷取奉烝嘗多年把臂伯鸞友今日纔瞻
老孟光

天涯何處訪桃源誰識遼陽有呂村玉樹三株添畫稿青青滿地
種蘭蓀

閉門種菜是英流家政惟憑內子籌二十年來形一變我看勝作

富民侯

種荔荒園苦備嘗百年鴻案肅冠裳連波閱世風懷淡敬佩迴文

蘇蕙娘

春風二年諭賦如綠圖中

潔珊老弟以蘇夫人種園圖屬題俚句卽請

賢伉儷教正丙寅年十月十九晨如愚兄珠巖山人高樹七

十九歲後拜書

遼東家破戰場邊井臼辛勞十九年此日披圖題斷句秋燈應憶

呂邨煙

關益與韻申張照贊別研不暇當耕林芋蘚耕得田

陋巷無人深復深牛衣曾賦白頭吟半園芋栗蕭蕭種不負袁安

臥雪心

椎髻荆釵曉下堂一鋤殘月萬家霜邇來羅綺盈天下不信人間
有孟光

聞道邊關益戍師中原魚潰此何時不如偕隱歸林下猶得耕田
似義熙

丙寅十月二十二日

弟溥 儒拜題

舊業摧烽火移居四壁空早霜收敗葉秋雨勦寒菘自是貧家事
非關隱者風三年備艱苦依約畫圖中

遠操光風業常懷寒悴思惟知勤井臼不敢謝茅茨圖畫留深意
風霜見舊姿少君有清訓無忘鹿車時

丙寅十月二十日

弟溥 億敬題

何必姬姜詠漚麻夫人劬苦善持家小園風景眞清絕疏雨一籬
開菜花

蘚徑輕攜鴉醬鋤半弓隙地勝新畬誰知閨閣耽農圃種藝欣披
汜氏書

耕前耨後溯遺聞栗里高風負薄雲卓誼竟超彭澤耦不將家計
累夫君

浮雲富貴幻當前塵芥同觀別有天不覲金錢自鋤菜文中猶見
幼安賢

漫謂韜光深閉門菜根能駁訓兒孫輕練寫就豳風譜佳話無忘

舊日邨

丙寅冬季步成君前韻

弟李維楨敬題

朱明赤眚燎原緊火炎
崑岡玉石盡就中女子尤披猖奔走呼號
思蠢蠢自謂平權爭事功從軍參政晨司牝誰知女學家事重裁
縫烹飪皆實用我意欲添園藝科保存國粹在耕種蒲阪於陵俱
典型鮑桓梁孟足高情老萊志節由妻逸冀歛功名實婦成沾體
塗足詎爲羞卷耳荇菜盡好逑苦茶甘薺營旨蓄采蘋湘藻佐公
侯客來不必沽陶髮剪韭無妨與婦謀三千年來古華俗內則宜
嫋陰教脩襄平袁子今人傑憂民每自比稷契烏蠟幕府闡謨猷

中樞參議平姽婳本爲安國舊賓僚又作理財新閥閱渾流滙海水濺濺呂邱芳草自眠芊生產不治逾卅載端賴糟糠內助賢示我新圖忽悵觸斯時我作遼陽牧識君方幸得澹臺訂交遂辱知鮑叔君時膺薦將赴官我謂陶潛宜守菊我於解組各分張羨君駿足馳康莊歸田我更飢驅出一向雞林種秫秔沈吟四十年間事欲把鋤耰苦無地蓼園舊宅菜根香有婦雖賢嗟早逝予元配賀氏太

賀予
氏元
太配

外舅蔗農先生熙齡女孫其宅在長沙東城定王臺蓼園之側衡
口有坊額菜根香先生晚年嘗輯經世文編於此近聞宅已售作
女子職工場惟衙猶仍舊後來迄屬習綺紈漸見家人嘻噶筮三
名距亡室歿又卅四年矣

徑久荒病不休坐令英雄爲短氣矧當大陸起龍蛇南望家園輒

披圖一問津

敬題呂畝鋤園圖卽乞

潔珊先生

晒政

丁卯仲春長沙洪汝沖

利貞夫人

鹿車夙昔仰桓君偕隱風流天下聞誰謂田園標勝事又從圖畫

挹清芬蒿簪藜杖誰能似棘地荆天忍更云淑儼宜登中壘傳桑

麻雞犬總殷勤

潔珊仁兄大人囑題卽祈

雅正

膠西弟柯劭忞

本是梁鴻偕隱侶卻思冀缺耦耕年秋風瓜豆初收實鄉社雞豚

別有天內助不慙高士傳農功都入女師篇成都八百桑株在梁
父吟成賴婦賢

潔珊仁兄先生命題

江陰夏孫桐

雲破寒蕪雨繆塵晚菘早韭與時新閉門種菜英雄事勞及青裙
押佃人

長鐃辛苦倚斜曛旨蓄綢繆作計勤我自內慙椎髻婦頻年夢繞
故山雲

潔珊仁兄先生屬題奉正

甌山金兆蕃

眉山淑媛汝南婦賢如桓少君曩時鮑宣亦非貧鳴機佐讀情久

親幹家躬儉勤 一解

狺狺者訟紛耶炎炎者戰塵耶曾未十年夫子寢且艱雖寢且艱

交謫從未聞

二解

家道窮則啖析居彌不支無椽瓦風雨無隴操畚犁不成爲柴桑
侶猶得學於陵妻

三解

夫子去遼陽妾身負春廡宛宛兒女提挈相慰語山蹊可樵屋隙
宜圃無憂凍飢汝

四解

負薪有翁子種菜有王孫惄惄兼之乃在一婦人穢揭苦辛用克
相厥家八口資以存

五解

貴富母忘誓相守藁砧恩誼厚家人无咎惟柔和道乃成惟嚴明

業乃久銘功寫形俾貽後無逸圖如賓耦賢哉眉山淑媛汝南婦

六解

潔珊仁兄先生屬題卽請正之

漢陽李哲明

掩關今見鹿門賢菜把親攜帶雨鮮林下清風誰得似耦耕心事

畫眉年

潔珊道兄雅教

弟俞陞雲

荆釵裙布尋常事雞犬桑麻太古春爲有斯園涉成趣不然無地
著伊人一犁秋雨拚孤力半畝寒蕪發衆新莫笑柳根盈尺地也

教動植入陶鈞